

**OFFICE OF THE  
HIGH REPRESENTATIVE**

Emerika Bluma 1, 71000 Sarajevo  
Tel: 387 33 283500 Fax: 387 33 283501

- radni prijevod -

16. januar 2001. godine

Gosp. Sulejman Brkić  
Služba za geodetske i  
imovinsko-pravne poslove  
Općina Lukavac  
Tuzlanski kanton  
Federacija Bosne i Hercegovine

CHR - RRTF - HR / 020  
Poštovani gospodine Brkić,

Obraćam Vam se povodom Vašeg pisma od 9. oktobra 2000. godine u kojem tražite pismeno izuzeće od Odluke Visokog predstavnika od 27. aprila 2000. godine, kojom se zabranjuje dodjela društvenog zemljišta.

Konkretno, tražite od ovog ureda da dozvoli Općini Lukavac da dodijeli 42 m<sup>2</sup> neizgrađenog društvenog zemljišta, registrovanog u zemljišnim knjigama pod brojem 3618/3 (ranije 887/3), Veterinarskoj stanici Lukavac u svrhu izgradnje veterinarske ambulante. Tvrdite da se predmetno zemljište nikada nije koristilo u kulturne ili vjerske svrhe, niti bilo predviđeno za poslovne i poljoprivredne aktivnosti, da je dodjelu zemljišta odobrio Općinski odjel za urbanizam 7. oktobra 2000. godine i potvrdilo Općinsko vijeće 3. novembra 2000. godine, da je izgradnja veterinarske ambulante utvrđena Regulacionim planom, te da naknada koju korisnik treba platiti iznosi 70 KM/m<sup>2</sup>. Međutim, vlasništvo nad imovinom i dalje ima Općina; ono što se mijenja jeste korisnik zemljišta. Predmetnu dodjelu zemljišta je također odobrio gospodin Zijad Memić, općinski javni pravobranilac, koji potvrđuje da su nadležne vlasti Općine Lukavac ispoštovale postojeće zakone i propise.

Na osnovu informacija koje ste nam dostavili, ovaj ured izdaje dozvolu Općini Lukavac da dodijeli gore spomenuto zemljište u gore opisanu svrhu.

S poštovanjem,

(potpisao:)

Gary F. Collins

Vođa tima za imovinska pitanja

Odjel za ljudska prava i vladavinu zakona